

廣文書局印行

小方壺齋

輿地叢鈔

(五八)

使英雜記

鐵嶺張德馨著

各國公使駐倫敦者共三十國分爲三等頭等爲法郎西德意志俄羅斯土耳其塞地亞凡五國二等爲瑞典^{即美}丹尼波斯希臘日本祕魯巴西和蘭義大利葡萄牙比利時閩斯達立夏日斯巴尼亞薩拉瓦多爾危的麻喇尼夏拉挂凡十七國三等爲阿真坦墨西哥克倫比亞多米呢略義奎多爾波利非亞海的歡都凡八國內攜眷者十九國署公使者七國皆以參贊官署理其參贊官或一員或三四員有以伯子男爵充選者有文武隨員醫官教師支應官及學生等惟無繙譯官因駐英京鮮有不通英語者且東西各國官民皆以能通英德法義各國語言爲常各公館人數多寡關乎國之大小而選委焉外國雖不論地理風本而間有忌諱者如英俗與人同席戒遞鹽因數百年前有主僕共桌而食主欲用鹽皆僕人遞也又小兒出門有忘物回取者禁其入門父母必親爲送之其意不欲半途而廢也英都有文武集錢會乃文武小官同開大雜貨鋪於教斯佛等街各家皆有憑票見票賣物不許轉售外人所獲微利除辛金日費餘則均分亦彼此省財之道也

倫敦新聞紙局大小三十餘處如塔侯來福薩蘭墩克立堅倭羅亞韋克力牛斯艾克撒米訥爾墨雷阿倭太斯爾格拉伏伊司北太道威立太本斯四海新聞日新日電早信倫敦帶畫新聞肥拉達夏爾典太本斯麼甯司丹達尤甯斯丹達來闊奎音文扣艾拉南寬佛麥斯達威立狄斯巴的及京報以倫敦帶畫新聞太本斯尤甯司丹達京報爲最著然各有所長所敘不同有官事有商務有天文有地理有雜學有教務有天下各國以及本國本城事故又有如子不語解人顧等書之資人笑柄者各局或每日或每禮拜刷印萬萬張廣爲傳播誠筆墨中一大生涯也以上名目有能譯其義者有非四五字能達其義者有因地名或人名及他義不易搜求者姑還首以誌之此外有小新聞紙五六種名皆未詳

倫敦馬車官有定例有論里者不出六里一什令多一里半或三里則加給半什令出十二里每三里加一什令以上雙輪及四輪者一律有論時者在十二里內每一點鐘四輪者二什令雙輪者一什令半每多一刻四輪者加半什令雙輪者加八佩呢在十二里外無論一點或半點鐘皆加二什令多一刻則加八佩呢車頂載物每件二佩呢多坐一人加半什令兒童不及十歲者加三佩呢無論按里按時多待十五分之工須加給八佩呢以上官例每日自卯初至戌正各宜遵守其他時則聽御者自主各車皆貼此例一張御者給客一張以便彼此照行尤免格外討索如彼此偶有爭辯可扭稟附近官廳由官判斷如車有遺忘物件御者查出在二十四點鐘之內送入附近官廳若物主失去車票不知車屬某行某號則即時呈報官廳告明所遺之物及本人姓名住址官廳即令於次早親赴巡捕衙門收取乃量物所值索費少許如一月內無人報官認取則物歸御者而已

倫敦通城公署共四十二如樞密院上議政院下議政院理藩院博物院官書院武備院京報局印書局船政局錢局軍信總局巡捕廳國史館戶部工部郵部刑部欽天監司禮院倫敦府美爾衙門行印衙門恩賞衙門巡捕衙門代理屬地衙門御前水師衙門稅務司地租司保險公司御前收控所欽犯獄總理教導處鐵道運河工程處以上無須註解如家部管通國內地事務外部管各國交涉事務兵部管陸路海部管水師印度部專理印度事務商部理商賈債部管國債律例司修律例凡此皆倫敦公署之大者其小者尚有數十未得細考

英國亦有公侯伯子男五等世爵始自西歷一千一百八十一年

即南宋
熙寧八年

爲英漢立王第二之世迄今

共公爵三十六侯爵三十四伯爵二百三十四子爵六十六男爵三百二十四從男爵八百六十二內英格蘭六百九十四蘇格蘭一百零三愛爾蘭六十五外有女伯爵二女男爵七總記世爵一千五百六十

倫敦通城立有各會一百三十九處如天文會地理會丹青會歌唱會生靈會花木會音樂會醫學會教務會照相會耕種會機理會哺乳會算學會書卷會施醫會理學會兵友會格物會化學會教讀會救生船會救遭回祿人會救出監苦民會救街市遭險人會保養牲口會救養子女會養贍孤子會養受傷兵丁會養聾啞人會養警者會及經卷會等每會皆有公社高樓大廈宏敞壯觀各皆數千人首領則世爵富室充之按年分捐公款如天文考有新星地理察得新地格物化學測出新理花木訪見新種或思新法或擬新章或訪新工新物新事皆彼此知會齊集辯論精益求精樓門卯正開亥正閉內有鑼鼃無牀榻各人去留自便留者看書吸煙談天閱報早晚點心茶酒皆公平算價不准蒂欠僕役侍奉不得欺侮亦不得格外苛役有犯規酒醉口角者立即逐出不得再入

英都於二三年前各鋪作皆早開晚閉工匠作十點鐘之工邇因各行公議皆改作八點鐘之工鋪作改早九點鐘開晚八點鐘閉以省工力自到此後如綉段木器漆鐵陳設以及飲饌各鋪皆送門票乞賜顧焉

葬死之事歸官主之置地一區爲塋兆有死者概由醫生開具病狀療治情形報官查核方令赴瘞其地不得私埋他葬蓋憂民之死於凍餒困鬱及視疾之無人抑或醫治之不善也醫生由官考試不易中選中選者國主召見列於朝班故皆束身自愛無徇情受賂妄稱捏報等情其醫分內外科另有牙科能治牙亦能補牙

丞相之進退視乎百姓之臧否眾官之黜陟又視乎丞相之去留一有不當則通國謝之復公舉賢能告諸君而代之丞相既易各酋長亦易由新丞相自置其人以期呼應靈便是進則羣進退則羣退亦西國

異俗也

上海書局印行

君主五印度后帝威克兜立亞係前英國國王卓志第三之孫女堪特公爵之女生於堪與坦宮時爲西

歷一千八百一十九年五月二十四日即嘉慶二十四年至一千八百三十七年六月二十日即道光十七年伊伯英國

國王睦良第四薨受遺命立爲君主次年六月二十八日在西敏斯德堂登位年十九歲後於一千八百

四十年二月初十日即道光二十年年二十一歲納日耳曼之薩克斯扣柏果色王阿拉柏爲增至一千八百六

十一年十二月十四日即咸豐十一年阿拉柏王棄世君主年四十二歲生有四子五女長女生於一千八百四

十年十一月二十一日名與君主同於一千八百五十八年正月二十五日年十九歲嫁與德皇太子威

廉爲妃長子生於一千八百四十一年十一月初九日名與君主夫同於一千八百六十三年三月初十

日年二十三歲娶丹國國王克立謙第九之女爲妃現封衛拉斯郡王次女阿麗嬪生於一千八百四十

三年四月二十五日至一千八百六十二年六月初一日年二十歲嫁與日耳曼海泗王爲妃次子艾達

倭生於一千八百四十四年八月初六日至一千八百七十四年正月二十一日年三十歲娶俄皇阿來

三德第一之女美麗爲妃三女懷來納生於一千八百四十六年五月二十五日於一千八百六十六年

七月初五日年二十歲嫁與日耳曼克立堅王爲妃四女綠衣嬪生於一千八百四十八年三月十八日

至一千八百七十一年三月二十一日年二十三歲嫁與阿蓋公之子洛安侯驤仄蘭爲夫人三子阿色

爾生於一千八百五十年五月初一日現年二十九歲未娶四子柳埔生於一千八百五十三年四月初

七日現年二十六歲未娶五女璧阿特麗嬪生於一千八百五十七年四月十三日現年二十四歲未嫁

又大公主生三子四女太子生三子三女二公主無出二世子生一子二女三公主生子女各二四公主

無出此宗親之近支餘皆未聞

凡人買一切物件無論物之大小多寡一概管送急者立即送到否則不過申正若申西往買則次早已初送蓋一日可送兩次也大舖有備小斂車或大棚車一二十輛送貨人百名按時四城分送如買物找回一二佩呢必以白紙小封盛遞一爲免污客手一爲不露其係銅質也

每年度支出入刊發細數遍示紳民稍有虛濫則人共詰駁之夫鉅萬帑項而較盡錙銖固非易事然條列遍告所以示公也眾人皆知以通國之財治通國之事在上無所沾潤官有侵吞不公者民可申報察明斥革是官不能貪尤不敢貪且俸糧足額以官爲榮以貪爲耻故亦不願貪也再英稅繁重如一馬歲稅三磅一犬稅一磅車旁樓上及指環瓷器有飾以前輩御賜功號者皆歲稅一二三磅不等樓舍按間估其所值而納稅近因市肆多用火輪機器作工房皆蠲而所值無幾故合機器與房而共計以收稅如是民不怨其苛斂者以國家所費逐款開示昭然在目而無疑也

外國火輪車始於西歷一千八百零四年

即嘉慶九年

今歐羅巴各國共置鐵道二十七萬六千三百四十八

里南北阿美里加共二十六萬五千六百二十里阿斐里加共五千五百四十一里亞細亞共二萬四千二百二十八里澳大利亞共八千零六十四里統計五大洲共五十七萬九千八百零一里惟合眾國者最遠計二千三萬二千三百七十一里其次爲英國共四萬五千四百五十里內英格蘭三萬三千一百六十八里蘇格蘭七千四百一十三里愛爾蘭四千八百六十九里又在印度有一萬八百一十四里澳大利亞八千零六十四里北阿美里加加拿他一萬九千二百三十六里英國共計九萬三千五百六十四里英國在阿斐里加亦設有鐵道多少未聞三爲日耳曼共五萬一千三百九十九里四爲法郎西通國共三萬八千一百六十九里五爲俄羅斯共三萬七千五百里其他如比利時義大利瑞典和蘭日斯巴尼亞土耳其丹尼瑞士等國鐵路至長者一萬數千里

凡拜謁皇親國戚皆不留刺本府門丁舉門簿於車前請本人自署其名否則入號房自行挂號凡公使所拜之官不惟公使當拜其夫人即公使之夫人亦當在拜故郭星使每拜官之有官眷者皆持郭太太三字名刺並遞焉

西歷每歲準三百六十五日無閏月亦分十二月四月六月九月十一月皆三十日正月三月五月七月八月十月十二月皆三十一日惟二月則二十八日無所謂晦朔弦望每四年加一日於二月謂之閏日英人於二千年前皆羣聚密林跣足披髮臥草被革茹毛飲血樹汁漆身遊獵於野至漢宣帝甘露年間英南界始爲羅馬所有繼而日耳曼法郎西和蘭人漸多流居其地故今英人語言相貌多與此四國者同旋振興自立始爲一國當時人民姓氏固有羅馬日法三國之遺種而土人尙無者多乃有因地名爲姓者如林河城鎮有以顏色器皿爲姓者如青紅黑白蠟燭盤盤有以物件禽獸爲姓者如營鈴魚狐更有以本人所作之工爲姓者如鐵匠裁縫庖丁木匠等以後漸漸被化姓氏有經官賜者凡有功於國多因其事爲姓聞其古時兵將皆著鐵盔鐵甲纏身不露面書畫其名姓於鐵牌面上以便人識中有善騎者王喜賜姓馬則其人畫馬首於牌面如數百年前國王出獵遭野豬之危正畏懼間一勇士急以衣帶裹左肘迎豬使嚙右手以劍刺死王得免乃賜其姓爲野豬遂畫豬首於牌面後世子孫追遠皆欲畫一豬首於門首車旁印於信紙刻於指環以及燒於瓷與玻璃器皿之上以銘其宗祖之功誇以爲榮至今尤甚因而國家收稅每年送紙單於各戶問其前代曾否有功於國將銘諸物否其有不願書者隱而不對願則照單註明銘諸何物每年按件官收一二三磅竟有共納稅數十磅者有私刻畫於物上者被官查出罰金加倍

德國一里合中國九里因零數難算故以吉婁美當計之又金銀錢皆改新式如大金錢名贊其馬克者

後宜移竈於樓頂令其開敞見天則惡臭自外去矣故邇來新房間有倣造者

倫敦監牢凡九日盆島威日米勒班日牛該達日梅投普立潭日希的鋪立森日色立康的夏日扣巴斯甫伊自日號驢靠舊慎日號驢的坦慎前二獄爲官監家部主之事收重犯應禁五年以上者收此九閱月乃解往海口獄使就修臺築壘諸苦工限滿釋回海口獄數未詳次五獄爲公監美爾及議政院紳士主之收輕犯之應禁數日數月以至數年者限滿即釋後二獄惟號驢的坦慎專收待審人犯號驢靠舊慎則收孤貧子女之無教養者恐其陷於匪緣故巡捕捉入飲食教誨令其改過自新學藝有效然後釋歸聞英格蘭有三獄曰塔達木爾曰坡蘭曰夏安愛爾蘭有一獄曰斯巴開蘭在海島者一獄曰坡自茂斯按英律無斬罪凡抵償者監內設木架犯人項套長繩立於活板之上板撤則犯人縊死後因此事不令眾見恐人生疑故改令縊於樓上臨時頂立黑旗示眾前二日某村犯人縊後繩斷墜地復甦再縊方死人多不服蓋繩皆本地官備今擬令家部歲備新繩分給各處然通國之獲此罪者每年不過二三名而已聞盆島威監有犯人因瘋自縊窗上又一人由樓上自墜未死調養痊愈夫倫敦九獄立法皆同待罪犯如此其寬尚有自縊墜樓以求死者足見銅禁之苦不比家居之優游自適耳倘冤枉不伸而治以非刑者則每歲不知贖死者幾何人枉死者幾何人言之令人酸鼻

稅例徵進口貨不徵出口貨據云出口皆本國所產若徵其稅則費鉅難銷不欲販運於外第就本土懋遷獲利必微無以勸藝植匠作而富其民故俟其銷售回國始按磅納三佩呢之稅不過二百四十分之三而已由是樂於遠販者多遠販多則銷售廣農工之業自不待驅迫而皆勤於其事矣通國民富蓋由此也

議政院即會堂曰豪驢帕拉蠻分上下二院上院概曰豪驢皮爾斯內近支王公五國人稱大教師爲阿

時事者有跳舞者有賣藝者有故作神仙山海禽獸怪狀者有說笑語演雜技以悅兒童者雖演國家事故無論真假一概不禁每班初演報官經司禮院大臣當場考驗必無防礙國體敗壞風俗惑亂人心者方許登場某日某園某班演戲必於前一日印新聞紙以聞每班只演一齣朝朝不改或半月或二三月始行移去戲園多外作饅首形內作且字形前圓後方正面作臺臺下前橫木欄內坐樂工一班外則椅凳橫列成行後有小方屋三四層不等疊而成圈再上飯屋一圈前三面有門出入按次各有路徑不得混雜各處座價不同池座由四什令至七八什令第一層小屋由十什令至一磅再上每層由一磅一什令至五磅五什令每屋坐二三人飯屋散座由一什令至三什令再上至樓頂一圈則無座而立每人半什令或二三佩呢各屋各座皆識號頭觀者買票入門司事見票撕去一角領之入座持票可以隨時出入城中亦有小鋪專售各戲園座票其價稍昂大戲園值演好戲或有某著名優人須預買座票方得一觀焉

倫敦通城屋宇皆按間數住人每人必占地若干方尺以便得氣而不染病按日有地方官赴各家查驗窗氣適否污穢掃淨否如房少人多必令添造或令遷移另覓劉星使患腹痛據馬清臣云此鬱居一室所致也蓋西人謂天氣爲養氣人口所出之氣與物鬱積之氣皆爲炭氣人受養氣多則無疾受炭氣多則生病故須遊行空曠頻見天日吸養氣以養五內即在屋中窗牖亦宜頻開以接養氣設有一人體素堅壯居廣廈足飲食而窗牖盡闢其隙不令一絲氣透數日其人必死以養氣宵絕所吸皆炭氣也深屋祕室關鍵已久乍入之而死者華人以爲逢祟非也船艙地窄儲積米豆乍入之而仆者華人以爲中毒亦非也皆炭氣之所致也火最食養氣故閉門熟睡不可熾火水最食炭氣故臥榻之旁不妨置水此理誠然嘗見都中富室居廣廈食珍饈朝朝歡樂而體弱多病至貧窶之人居矮屋食麤糲日日奔馳而身

壯無疾，幼體弱，不時嘔吐瀉，肚食不能多，自十五歲入同文館，每日往來約十六七里，因而舊疾除，神足體健，飲食加增，此亦衛生之一道也。

每十年稽查戶口，註冊編號，紀明年歲，營謀何業，田廬店肆，歲入租息，生涯工作，月得進款，皆按名細載。歲終獻冊，君主受之，派員覆覈，分編老幼壯弱士農工商各爲一類，詳查死生壽夭，勤惰貧富，死夭者多，則命醫生察勘，或剔障蔽，以通天氣，或疏溝渠，以通地氣，糞除道路，以免污穢，修合藥品，以療疾病，人無業而貧者，不令沿街乞食，收入養濟院，而衣食之日，督作工，以勞其體，因人畏勞，就逸轉致自勞，而自賤，故莫不奮發，以事工商焉。

申酉刻茶會，女客多而男客少，曾分三等大會，禮儀繁重，備有歌樂，盛筵客來多至百餘名，少亦五六十人，中會客由二十至五十不等，歌樂有無皆可，筵席稍殺小會，則請戚友十數人，相與坐談，飲茶小食而已。茶會請客，男主不出名，不見客，女主出名，無專帖，在女主名刺之上方角書請某人，女主名下書在家靜候。下左角書午後由四點至七點鐘，如備歌樂，則如書作樂，因客數不拘來否，任便，故不書候，覆赴此會者，婦女不華飾，不脫帽，作街遊狀，男子亦然，惟入門免冠而已。在飯廳設長桌，鋪白布，羅列各色茶酒，饌果加非冰乳等有僕婢六七人以侍客，有入門即飲食少許者，有將去始飲食者，凡食品任客自取，茶酒加非則呼侍者以進，男女立而無座，樓上亦然，即有亦女坐而男立，屆時女主立於客廳門首，接待握手問候，客之去留，任便，欲去見主辭否，皆可，初會者必辭而後行，凡接帖已來者，過期須於數日內親來投刺致謝，帖雖女主出名，不能獨請一，女必同帖，請夫婦父，女母，女兄，妹，姊妹，如有子者，另具帖，女多者另帖附之，不另送大茶會，設更衣二，所以便男女脫卸冠服，飲食豐盛，供奉多，係女僕小茶會，只備茶與加非，餅而已，在樓上置女主前，女主按數斟出，有男客爲之轉遞，客入門，則僕導引上樓，因小茶會女

主坐待於廳中也凡婦女下樓或飲茶或小食固須男客相伴飲畢偕同如男客少女主釋其尊貴者自行陪伴或請別客之品位相埒者陪之婦女下樓欲食冰乳鮮果必脫手套若只飲茶與加非則否男客皆立近於凡女客不能搶步男客無論識否當代主家前席致問所嗜何物取而進之旁立待飲食畢撤器反於几上若飲茶後仍欲食乳油麵包而脫手套則男客自會意而進之女主非年邁有疾者不得終日永坐往來酬應單客有女亦當協助有歌樂者客皆悄然靜聽聲止則齊行喚彩以邀主喜

凡請晚茶會者帖與午後者同時刻則書九點半或十點鐘如備樂工或小戲則加書奏樂或演劇其樂工有善歌者有善彈者男女不過數名客有擅其技者亦可隨意還興演劇或數名優伶或戚友作三四齣小戲戲臺設於大廳正面前爲客座如客有王公王妃國戚及外國王公王妃大臣名士須於帖上加印或書會某如請他等茶會跳舞會及晚饌亦然若專有樂工一班非待其人不奏又必特作一陣以示恭敬凡請晚茶會訂期不在禮拜六因近禮拜人多下鄉遊玩或入堂嗒經凡大茶會跳舞會有兼備夜饌者必另設一屋特備茶酒小食由九點至十一點鐘三刻十二點則飯廳門開內列夜饌若有王公夫人國戚主人須介紹一二男女尊客有外國名人在會亦主人必將本國名人爲之先容夜饌備齊則男主導女客下樓男客必攜所介紹之女客下樓如無介紹之女客則攜女主下樓另設一筵以示尊敬廳小客容不足一百者則男女主偕遠客先入餘留客堂聽樂飯畢或登樓或回寓均聽客便除至近戚友外鮮有復上樓聽樂者客去亦不必面辭須於數日內親來投刺致謝以爲禮

西人每有創造建置之商民集股名曰公司雖數千萬金不難剋期而成凡鑿山開河製造奇器創置新埠罔不恃此所謂眾擎易舉也兩國交界處火輪舟車亦多合成一棧如由英至法至德三段火車一段輪船只由英買票付錢於一處足矣聞土耳其國向來興建大事皆須動用國帑數十年前改效西法建

立公司猶來不惟公司未富且致欺風日甚蓋數人合夥以業商實資本或僅千百緡苟非親身經理輒被攫竊以去況數千萬金之重孰肯協力同心以共其事哉夫土耳其二千年之古國也即古之希臘土耳其不意險詐至此今雖有實心欲向西人共事亦鮮有推誠信任者

凡人無事者或早饌後或晚饌前必步遊少許一爲消食一爲清神皆在午未之間又享有午後者夏季由申初至酉正冬季由申初至申正二刻當室遊花園貧家步履街衢其乘車者四季多由未初至酉初已嫁之女原可一人閒遊而宦家鮮有獨步勝地與繁區者新婚或年少之人遊必偕其子女或姊妹僕婢等男女相識者遇諸途必待女先鞠躬或點首男子方敢答禮若與女一面之識只以手扶冠而已如係至契則免冠高舉以爲禮二女相遇無論新交舊好皆位高者先點首二男相遇俱不免冠只點首或以手扶冠若遇一相識之男偕一二不相識之女則免冠以隱示敬女之意然不爲之相見蓋男不能向不識之女免冠也若二女同行一女遇其相識之女則與不識者相見二女遇一男於途非夫與子不爲相見男女遇諸園囿山林皆男趨女旁偕行數武男女同遊則女前男後非老婦不得攜手並肩夏日婦女乘車而遊者有自御一種小敞車由午正至未正婦女於城內騎馬乘車必有戚友或馬夫以伴鄉間雖可獨行乘騎若出獵又必有人同往以防不虞也

百年前英國無火車電綫時寄信皆用馬車至某處御者吹角報聞今頗見二馬車或四馬車修飾極其華美車箱內及棚上前後共坐十二人御者著紅衣後立一僕亦著紅衣沿路不時吹角詢悉非爲寄信蓋仿古遊鄉者也凡下鄉而遊者皆富室約男女戚友十餘人攜帶酒食前往遊目騁懷賞心樂事如華人之踏青英名皮各呢克

登車必女先男後女坐正面男坐對面若三女則未嫁者先登坐於對面已嫁者後登坐於正面至則後

登者先降主客同車至則客先降乘車接客者主坐對面以待俟客登則讓坐正面焉

英京通城單馬雙輪車名韓森者有號至九千九百數十者單馬四輪名喀普或佛回者有號至一萬零一百六十六者此外雙馬常行大車及運送貨物單雙馬車亦不下萬餘輛再加紳富單雙馬車通城數逾四萬

倫敦有廣園三曰荔枝曰海岱曰賢直陸斯其規模稍遜於荔枝海岱各周二十餘里陸以羅樹有池沼而無臺榭路有乘車者有馳馬者有步履者界限分明沿路左右設有鐵椅長凳以俟休憩地由國主建置遊者均往焉因人住層樓無呼吸通天處恐氣鬱生疾疫故特闢廣園俾得散步舒懷以暢其氣也故凡禮拜六及禮拜兩日市肆關閉匠役息工每見街衢園圃之間男女遊者倍多焉

凡人有外遇生子曰無父兒聽其母養育任給名姓取母姓父姓或他人姓皆可如其子才能出眾富甲一鄉故後遺產入官無遺囑分給何人也

倫敦各紳富請茶會跳舞會聽樂觀劇多於四五月間有折柬而約者云由某月至某月每禮拜幾日午後由四點至七點鐘在舍拱候

倫敦世爵王公之僕役皆著古服短衫背心與袴皆紅色高襪逾膝黑皮亮鞋釘帶有以粉而染髮者蓋百年前英有君主年邁髮白自恨其老乃諭令通國男女老幼凡與君主面會者皆染白其髮以使老幼不辨今大制雖改各王公國戚之府第僕役仍用以示尊崇也

耶穌教天主教稱曰阿赤比朔者一掌教於南者曰堪特伯里阿赤比朔掌教於北者曰洛爾格阿赤比朔南爲正北爲副位皆尊於五等世爵堪特伯里與洛爾格皆南北地名也又有所謂倫敦比朔者位次阿赤比朔一等居處皆以宮名之每歲各領俸金二萬餘磅合銀七萬有奇實爲貴戚大臣未有之厚祿

也

凡請午後聽樂之帖係由市肆印成出售白紙厚一分寬四寸長約三寸所請之人書於上右角謂客之女主書於中心下面書在家二字又下書月日時刻及候回信書於下右角住址印於下左角書樂字於其上若意在聽樂後改跳舞乃加書跳舞二字於樂字後時刻多由申初至酉正在樂臺前按客數行行列小紅椅女主立於門首接迎客入皆自行入座奏樂歌曲分爲二場有印成樂單上開頭二場每節何人唱何曲作何樂頭場作畢則男女客皆下樓入飯廳飲茶酒食果餌客有聽一場即去者有待兩場畢而後去者然鮮有聽半場欲去而亂客座者若請午後跳舞會惟將請午後茶會帖之樂字改跳舞時則改由申正至戌初樂場改跳場樂單改跳單此等會客皆不多而茶酒果餌猶當預備焉

茶會跳舞會之盛每年由三月至六月中旬止此俗由來最古歐羅巴阿美里加二洲各國率皆爲之凡人家店肆平時大廳截爲數室欲請會則開門下樞通爲一大間收陳設移桌凳位置跳場樂所雖大小公署亦莫不有大廳敞房以備盛會若以爲公事之不可無也西人性好奢華凡富貴喜交結者皆樂爲之一人子女待其長成雖無力亦必勉強支應設會結交以便子女得友相與往來則男可訪女女可覓男嫁娶咸賴於此因男女細心訪察各得所願則意洽情投鮮有作秋扇之歌者每會所費少者百餘磅多者至六七百磅合銀二千四百兩

倫敦通城施醫院大小五十六處治男子雜症者十六處每午開門施治其偶染時症及跌打損傷者隨時准入專治婦女小兒者九處有每日施治者有每一禮拜施治三四日者或早或午約二小時之久收養病人者四處每禮拜三日已初施治在院者午正施治外來者專治癆瘵痰喘者五處有每日施治者有每一禮拜施治三四日者有由巳正至未正者有由未正至申正者專治癲狂者二處每月前一禮拜

一日治男子後二禮拜一日治婦女專治瘰癧疾者一處每日午正施治專治瘡疾者一處每禮拜三日治男子禮拜四日治婦女皆辰正一刻開門專治瘋癲者一處每禮拜一二三五六等日施治未正開門專治眼疾者四處每日有由辰正至巳正者有由午正至未正者專治皮膚病者四處有每禮拜一三日午後開門者有日日午正開門者專治瘟疫者二處治痘者三處治癰症者三處治癰疾者一處治淋症者一處治喉症者一處治瘰癧者一處治瘰癧者一處治婦女不潔之症者一處治男女牙齒者各一處治脚疾者一處治各國水手者一處以上皆日日開門隨時療治各醫院之收養病人者尤爲高大整潔樓皆五六層廣廈千間故留隙地栽花種樹通水堆山吸取天氣以令病者舒暢樓房皆已室捐建或就地贖金爲之各項經費率爲紳富集款間有不足或闕地種花養魚可借地演劇歌曲縱人往觀收取其費以資善舉又有勸示通城仕商男女捐陳雜貨如鐵器書畫筆墨紙張首飾玩物花木巾扇以及銀器玻璃各種器皿陳設聚集一處請人往而購之富肆者皆富家少女貨倍其值往者必購取數事而後可亦有設跳舞會者茶酒小食仍爲商賈捐助飲用值亦加倍即以其所入惠病人如是則捐來貨值爲一倍售去獲利又一倍兩倍相並則所斂者更足矣此等善會曾赴三四處首領多爲世爵名人故其國主宗戚世爵大僚及各國公使本國紳富咸往捐納焉各院醫生固皆善人即扶持病人者亦皆善男信女願爲供奉者誠義舉也

倫敦除官鈔局外大小銀號共一百一十三內兼匯兌四海轉總局者六十九如麗如匯豐渣甸等共由倫敦分在英格蘭各村鎮海口者共一千八百三十四內屬官鈔局者一十八係在牛喀斯安坦滿萊斯得立溫埔布立斯多柏明根蒲雷懷斯立伊自坡自毛斯賓阿拉九處在蘇格蘭大銀號十處分於外者六百四十八在愛爾蘭大銀號亦十處分於外者四百一十六其由倫敦分於天下各國京城海口者共